



## Compact of Free Association Premium Assistance Program, Oregon Health Plan ra chok kapas eis iteitan. *(Chuukese)*

Ion kopwe tongeni kokori ika auchean nampa en  
mi tongeni kokori fan itan ewe insurance:

- Oregon Health Plan (OHP) ewe nenian aninis: 800-699-9075 (ese kamo)
- Ekkewe ra fen nomw won ei OHP: 800-273-0557 (ese kamo)
- Ekkewe kangof ir mei tongeni aninis ngeni ekkewe ir mei nomw won ei insurance nge ir mei tongeni churi ion doctor ir mei angei ei OHP, ar ewe line ren tengwa (mei suk non rue me ru awa ew ran, fisu ran non ew week): 800-562-4620 (ese kamo)
- Oregon Health Insurance Marketplace, COFA Premium Assistnace Program: iei nampan 855-268-3767 ( ese kamo)
- Ren ewe Marketplace mei wor application ika taropwe auchea ir mei tongeni aninis ka tongeni kuna me won ei (HealthCare.gov): 800-318-2596

Met en kopwe sinei:

- **Ewe COFA Premium Assistance Program** ra fen anisi aramas non Oregon ekkewe ra tonong non Merika fan nurun ew Compact of Free Association treaty ( ika fan pochokunan ewe riri nefinan merika me fonuwach kewe non Mircroneisia FSM) ra anisi kich ren ach sisapw moni met ekkewe si moni ren nouch moni.
- **Coordinated Care Organization (CCO)** wewen ekkoch aramas re angang fengen fan itan are repwe anini aramas ren ar repwe tongeni nounou ewe OHP. Ekkei aramas mei pwan pachenong ekkewe doctors, chon angang fan itan ekkewe mei ngaw non mokurer, ekkewe rese tongeni poutano sakaw ika ekkoch angen drugs, chon angang ngeni pekin ngi ika nii. CCOs ekkei ra aninis won pekin tumunu ngeni io kewe ir mei urir suke. Ekkewe CCO ka tongeni churi emon anongonong won ia ke nowm ia.
- **Kapas eis iteitan(FAQs)** Ekkei ekkewe kapas eis kich mei rong fan chomong ika iteitan. Non ei taropwe auchea, sia mochen akomwa ekkewe kapas eis ir mei eis iteitan. Ika mei wor omw kapas eis, kokori kich
- **Medicare Savings Program (MSP)** ei program ra aninis won ekkewe ir mei nomw won Medicare ren ar repwe anisir ren met ir mei moni me non pusin nour moni.
- **Open card**-wewen ika noumw ewe insurance mei chok suk ngeni io ika ia mei atiwa noumw na OHP insurance. Ika pun kese fatafat ech ren noum na insurance, ka tongeni kokori OHP ekkewe chon aninis won na nampan tengwa 800-273-0557 ( ese kamo) ren omw kopwe eis.
- **Oregon Helath Plan (OHP)** wewen Oregon's Medicaid program. ei program a kawor monian seni ewe federal me state- fan itan ewe health benefits program fan itan ekkewe aramas mei kukun moni tonong rer ir mei nonomw non Oregon.

Kapas eis fan chomong ika eniwini ekkewe kapas eis:

1. Io mei tongeni nounou ewe OHP?

Ewe Oregon Health Plan (OHP) a awora ewe insurance ngeni ekkewe aramas ir mei nonomw Oregon ekkewe mei kukun ar moni tonong, pachenong ekkewe family mei angang, kewe semirit, kewe mi popo, mei mwuk, kewe rese pupunu me ekkewe chinap. Tufichin ika tawefichin omw kopwe tongeni nonou OHP mei anongonong won yearumw, fitemon chochon ew imw, ar moni tonong, chon meni fonu non Microneisa ngeni ekkewe mei muk rese popo. Ren iei, tufichin omw kopwe nounou OHP mi chouti ekkewe aramas mei nonomw non Oregon me chon tonong non United States fan nurun ewe COFA treat, ika ewe atipew nefinan Mwun Merika me fonuwach kewe non Micronesia (FSM, ROM, ROP).

2. Ngang mei tongeni nounou ewe COFA Premium Assistance Program?  
Apw. Pokiten ekkoch ekkesiwin me non anukun ewe Medicaid, ka tongeni nounou ewe OHP insurance. Iei mine ewe COFA Premium Assistance Program a kamorono.
3. Ika pwe ngang mi nomw won OHP, ngang mi tongeni fori ai takises?  
Ika pwe en mei nounou ewe insurance seni Marketplace, kopwe fori omw takises ren ewe premium tax credits ewe a wisan moni noumw insurance ren omw kopwe tongeni churi tokter me mwan omw kopwe tongeni nounu ewe OHP. Kosapw fori omw takises omw kopwe asinesin fan itan noumw OHP insurance.
4. ifa usun an epwe wor nei CCO?  
Mwirin omw apply ngeni ewe OHP, nge ika noumw we insurance a katiw, a tongeni epwene wor noumw CCO anongong won ian ke nomw ia. Ka tongeni katon ena chart fan, omw kopwe sinei io ewe CCO non ewe kinikin ka nonnom ia.
5. Ifa ussun ai upwe sinei nei we CCO?  
Ewe kinikin ren, Client Services Unit, me non ewe OHP a tongeni anisuk: 800-273-0557 (ese kamo) Ewe chart fan a tongeni pwari ngonuk meni CCO a kefinita me non omw we kinikin.

<b>Coordinated Care Organization</b>	<b>Contact</b>	<b>County</b>
Advanced Health	541-269-7400 800-264-0014 (toll-free)	<ul style="list-style-type: none"> <li>• Coos</li> <li>• Curry</li> </ul>
AllCare CCO	888-460-0185 (toll-free)	<ul style="list-style-type: none"> <li>• Curry</li> <li>• Josephine</li> <li>• Jackson</li> <li>• Parts of Douglas</li> </ul>
Cascade Health Alliance	541-883-2947 888-989-7846 (toll-free)	<ul style="list-style-type: none"> <li>• Parts of Klamath</li> </ul>
Columbia Pacific CCO	503-488-2822 855-722-8206 (toll-free)	<ul style="list-style-type: none"> <li>• Clatsop</li> <li>• Columbia</li> <li>• Tillamook</li> </ul>
Eastern Oregon CCO	503-765-3521 888-788-9821 (toll-free)	<ul style="list-style-type: none"> <li>• Baker</li> <li>• Gilliam</li> <li>• Grant</li> <li>• Harney</li> </ul>

		<ul style="list-style-type: none"> <li>• Lake</li> <li>• Malheur</li> <li>• Morrow</li> <li>• Sherman</li> <li>• Umatilla</li> <li>• Union</li> <li>• Wallowa</li> <li>• Wheeler</li> </ul>
Health Share of Oregon	503-416-8090	<ul style="list-style-type: none"> <li>• Clackamas</li> <li>• Multnomah</li> <li>• Washington</li> </ul>
	888-519-3845 (toll-free)	
InterCommunity Health Network	800-832-4580 (toll-free)	<ul style="list-style-type: none"> <li>• Benton</li> <li>• Lincoln</li> <li>• Linn</li> </ul>
	541-768-4550	
Jackson Care Connect	855-722-8208 (toll-free)	<ul style="list-style-type: none"> <li>• Jackson</li> </ul>
PacificSource Community Solutions	800-431-4135 (toll-free)	<ul style="list-style-type: none"> <li>• Crook</li> <li>• Deschutes</li> <li>• Hood River</li> <li>• Jefferson</li> <li>• Parts of Klamath</li> <li>• Lane</li> <li>• Marion</li> <li>• Polk</li> <li>• Wasco</li> </ul>
Trillium Community Health Plan (North)	877-600-5472 (toll-free)	<ul style="list-style-type: none"> <li>• Clackamas</li> <li>• Multnomah</li> <li>• Washington</li> </ul>
Trillium Community Health Plan (South)	541-485-2155	<ul style="list-style-type: none"> <li>• Lane</li> <li>• Western Linn</li> <li>• Douglas</li> </ul>
Umpqua Health Alliance	541-229-4842	<ul style="list-style-type: none"> <li>• Most of Douglas</li> </ul>
Yamhill Community Care	855-722-8205 (toll-free)	<ul style="list-style-type: none"> <li>• Yamhill</li> <li>• Parts of Washington</li> <li>• Parts of Polk</li> </ul>

6. Ngang mi tongeni nouni nei we doctor me akkomw?

Nounw ewe CCO epwe ngonuk io doctor kopwe nouni. Noumw na CCO epwe tin ngonuk echo taropwe auchea fan itan ion noumw minafon doctor. Kopwe pwan angei echo taropwe fanitan noumw ewe CCO, ei taropwe epwe watiw itan ion na doctor ra finata pwe kopwe nouni. Ika kopwe siwini noumw na doctor ka tongeni kokori noumw ewe CCO.

7. Ngang mi tongeni no ren emon doctor?

En mi tongeni churi emon doctore ika mei nomw non ewe kinikin ren nouwm CCO. Ika en me mochen aninis ren omw kopwe kuta noumw doctor, ka tongeni kokori ewe CCO.

8. Upwe moni unumei kewe safei, ika upwe tongeni churi doctor ika mei wor nei OHP?  
Ese wor met kopwe moni ika unumom kewe safei mei Tongeni kamono me ren ewe OHP. Ika en mei angei echo ika ew, kopwe wei noumw na CCO card ika taropwe ngeni omw na appointment ika no churi doctor. En mei pwan tongeni kokori noumw CCO ren omw kopwe eis ika ena aninis mei kamo me non noumw na insurance.
9. Met OHP epwe tongeni moni?  
En chart fan mei tongeni ati ngonuk met sokkun aninis me kamo seni ewe OHP. Ika pwe mei wor omw kapas eis fan itan ekkei aninis ika pwe mei tou aninis fan itan, iwe ka tongeni kokori noumw CCO.

<b>Ekkewe kinikinin anisnis</b>	<b>Ekkoch aninis mei auchea</b>
Nenian aninis ren semwen wata Pekin Ngii	<ul style="list-style-type: none"> <li>Aninis ren nemeti ngii, aia ekkewe sokkun metoch epwe nimoch ngii ren, fori ngii mei ngaw, tutun nii.</li> <li>Ren pekin ngii mei nomw won atapwanapwan an epwe fori ika aninis won.</li> <li>Ngachangach</li> <li>Ekkewe minan ngii mei silver re pacheta won en ngii</li> <li>Pwan ekkoch crown ika minan ngii ren mei popo me semirit year kukun seni rueme ew 21.</li> <li>Ewe sokun safei re minata won ngii , root canals( en re wanong ew siwinin ngimw) ngeni semirit year kukun seni rueme ew 21</li> </ul>
Pekin sening ren omw kopwe rongorong	<ul style="list-style-type: none"> <li>Hearing aid( ekkewe minan sening ren omw kopwe tongeni rongorong) pekin chekin sening</li> </ul>
Kangof ika chon pioing chon no chek mei semwen non imw	<ul style="list-style-type: none"> <li>Ekkewe kangof ika chon angang ngeni mei semwen non imw</li> </ul>
Ekkewe chon tumunu ekkewe ra apwangapwang repwene mano	<ul style="list-style-type: none"> <li>Ekkewe chon angang ngeni ekkewe mei semwen ra apwangapwan repwene mano.</li> </ul>
Pekin aninis seni pioing	<ul style="list-style-type: none"> <li>Ekkewe aninis mei atapwanapwan</li> <li>Ekkewe aninis ren mei semwen non pioing me ekkewe mei nomw non ekkewe nenian safei ika pioing nge rese nuing.</li> </ul>
Immunizations and vaccines	<ul style="list-style-type: none"> <li>Ren oposun maa ter ika oposun epetin ekkewe semwen ren measles- mumps- rubella</li> </ul>
Mei nounou, ekkewe ra fen nounou ika aninis ren pekin mwirin nounou	
Pekin lab ren angang chaa me sasing	

Chon angangen pioing ika doctor, kangof me ekkewe chon aninis ngeni ekkewe doctor ika angangen pioing	<ul style="list-style-type: none"> <li>• Ren peikin chekin semwen ika ekkoch appointment</li> </ul>
Pisekin non pioing	<ul style="list-style-type: none"> <li>• Ren chekin suke ika ekkewe wokun mei semwen</li> </ul>
Sein me semwen	<ul style="list-style-type: none"> <li>• Ren sain pioing ika ambulance ren sein mei semwen nge ese pwan atapwanapwan ngeni ar appointment ika no churi doctor</li> </ul>
Semwenin non mokuran aramas	<ul style="list-style-type: none"> <li>• Ren pekin thereapy ika ekkoch aninis seni en pioing</li> </ul>
Chon aninis ren pekin amokutu inisin aramas ika kao fos ngeni	
Ekkewe safei noumw doctor ra makei ngonuk pwe ina met kopwe angei	<ul style="list-style-type: none"> <li>• OHP mei pwan kouk ren pekin safei ekkewe safei ese kamo seni ewe Medicare ren kininin D</li> </ul>
Pekin mas	<ul style="list-style-type: none"> <li>• Aninis ren pekin mas</li> <li>• Aninis ren pekin apungu mas ren ekkewe mei popo me semirit mei kukun seni year rueme ew 21</li> <li>• Kinas mei pwan kawar ngeni ekkewe mei popo ekkewe mei muk me ekkewe mei muk mei wor ar semwen ren aphakia me keratoconus, ika pwan mwirin ar ereti ekkewe fituk mei nomw non mas</li> </ul>

10. Upwe tongeni tou seni OHP?

Ika a kopunguno pwe kopwe nounou OHP, ewe taropwen omw kopwe nounou epwe aweiwei ngonuk ika mei wor ekewin ren omw kopwe erenir chon ewe OHP. Noumw ewe OHP epwe kouno non fitu fansoun ika pwe kopwe no ngeni ew neni ika ew state. OHP epwe tin ngonuk echo taropwen esinesin iteitani year ren inet kopwe asofosafani ika apply sefan noumw ewe insurance. Ike kose ponueni noumw ewe taropwen esinesin iwe noumw we insurance epwe kouno. Mei namot omw kopwe erenir chon OHP ika a siwin omw address ika ka no ngeni ew neni. Ika ka no seni ewe state ke nomw ie ren ukukun inik ran 30, noumw ewe insurance epwe kouno iwe ika ka pwan niwin sefan ka tongeni apply sefan OHP.

11. Met epwe fis ika uwa tou seni Oregon non ukukun inik 30 ran?

Kopwe erenir ika repotini pun kopwe no seni Oregon non ekis mochomochon fansoun. Ika pun kosap chuen niwiniti Oregon, iwe noumw ewe OHP epwene kesipeno. En mei tongeni pwan apply sefan ngeni OHP ika ka niwin sefan ngeni Oregon.

12. Met upwe tongeni nounou OHP ika u nomw non ew state( ren pekin churi aramasei, ika nomw, ika pwan met kan)?

En mei tongeni nounou noumw na OHP me non ew state ren chok pekin atapwanapwan ika emergency ika kopwe pan amasou unumom safei me non ew state. Kopwe fos ngeni ika angang fengen me noun doctor ika noumw ewe CCO ren ar repwe erenuk met mei tongeni

cover me non ewe OHP. OHP esopw cover ekkoch sokkun semwen ika met epwe fis ngounk ika ke nomw nukun ei United States. Ika ka no ngeni ew state iwe kose chuen tongeni nounou OHP.

13. Ese wor nei I-94. Mei pwan namot an epwe wor rei ika upwe nounou OHP?

Mei namot pwan auchea an epwe wor noumw I-94 fan itan ekkewe auchean metoch non nounw na I-94 ika kopwe nounou OHP. Ika ese wor noumw I-94 ka tongeni wanong noumw ewe passport seni ian ke eto me ia Ika I-766 noumw taropwen omw kopwe tongeni angang ren ar repwe tongeni sinei ika en chon ia. Ina repowe pwan eis copy ren noumw taropwen immigration . Ika pwe re eis iwe kopwe wanong ena taropwe kopwe tinanong unusan na taropwe ren ena page mwan pwan ena nukunupan na taropwe epwe pwan tinanong ren noumw na taropwen immigration.

14. Nei we passport a expired? Met epwe pwan ew osukosuk ena?

Nampan I-94 ren omw wareti ei fonu merika/ ika omw tou me non ei merika , passport seni ew fonu , ika I-766 taropwen mumutan omw kopwe angang non merika ekkei taropwe auchea ir mei tongeni angei ren ar repwe sinei porousan omw immigration ika ia ke eto me ia

15. A tori ei echo taropwen ai use tongeni nounou OHP. Met upwene for?

Noumw we taropwen omw tongeni nounou ei insurance epwe awewei ngonuk met popun omw kowe tongeni nounou OHP iwe met taropwe auchea fan itomw a titino ngeni ewe Marketplace. Ika mei wor omw kapas eis fan itan ika en mei tongeni nounou ei insurance , ka tongeni kokori ewe OHP iei namapan 800-273-0557 (ese kamo).

16. Pwata uwa ekesiwin seni COFA Premium Assistance Program ngeni OHP?

Fan itan a wateno nounoun ei Medicaid ewe minafon enuk a afat pun kich chon ekkewe fonu ika seni COFA kich sia tongeni nounou ewe OHP insurance , Kich sise chuen tongeni nounou ewe monian aninis seni HealthCare.gov. Ika kese chuen tongeni nounou ewe premium tax credits iwe en kose chuen tongeni nomw won ewe COFA Premium Assistance Program.

17. Ifa usun ika ngang me punuwei we am mei nomw fengen won ewe Marketplace plan, ngeni emon me nein ese nounou OHP?

Ika en me punuwomw we ou tori ei United States fan nurun ewe COFA treaty, kopwe kori ewe OHP akomw nampan ewe nenian aninis ika customer service 800-699-9075 ( ese kamo) ren omw kopwe eis ika mei pung met ra watiw won noumi kewe taropwe fan itemi ika ami mei tongeni nounou ewe insurance. Oupwe kokori ewe HealthCare.gov kokori nampan 800-318-2596 ( ese kamo)- fan itan a wor noumw OHP (Medicaid). HealthCare.gov mei tongeni an epwe ataino ika amorano noumw we insurance en me punuwomw ouwa nomw won ewe Marketplace plan. Ika emon aramas mei nounou OHP nge mei pwan wor noun insurance me ekis nge ese akounoi meren HealthCare.gov, ewe COFA Premium Assistance Program epwe kouno ne moni ewe insurance ewe aramas re nomw won. Ika en mei mochen aninis ren omw kopwe repotini ekkewe ekkesiwin ngeni ewe HealthCare.gov, noo ngeni ewe OregonHealthCare.gov/GetHelp

18. Ngang mei tongeni nounou Medicare me OHP?

Ika mei wor noumw ewe Medicare, en mei tongeni nounou ewe Medicare Saving Program ewe mei tongeni anisuk an epwe akukunatiw mon. En mei pwan tongeni nounou Medicare me OHP insurance, anongonong won met en mei nonomw won.

19. Ngang a wate ieri seni one me nimu(65), nge use tongeni nounou Medicare. Ngang mi tongeni nounou OHP?

En mei tongeni nonou ika nomw won ekkoch program ika pwe ierumw a one me nimu (65), iwe ika en mei chuun, ika wor teremw ika kese chuen tongeni anisi pusin en fan itan semwen wate.

20. Upwe moni ai we premium ren nei we Medicare kinin A me B. Ngang mi tongeni nounou OHP? En mei tongeni nounou ika nomw won Medicare Savings Program, ewe mei awora aninis ren pekin moni ren an epwe anisuk ne moni monmon nge mei pwan nomw fan nurun ewe Medicare. En mei pwan tongeni nounou OHP insurance kapach ngeni noumw na Medicare insurance.

21. Met Medicare Savings Program?

Ewe Medicare Savings Program ew Medicaid program ngeni io kewe ir mei tongeni nounou Medicare. Mei wor unungat kinikinin ika tetenin non-Medicare Savings Program. Ikei:

- Qualified Medicare Beneficiaries (QMB): Ewe state a wisan moni noumw na Medicare ewe premiums iteitan maram iwe met en mei moni won pusin noumw moni ren ewe Medicare met a apungano ren met sokkun aninis. Ika en mei tongeni nounou QMB, mei tongeni an epwe mo kukun unumon safei iwe pwan ekisano mon ekkewe safei ika ka amasou unumomw safei.
- Awenewen ngeni fan itan ekkewe mei kukun moni tonong rer ekkewe chon angei Medicare Beneficiary (SMB): Ewe state a moni noumw Medicare ewe kinikin B premiums. En mei pwan tongeni nounou ika nomw won ewe plan ren pekin safei an epwe mo kukun ika ka kut unumom safei.
- Awenewen ngeni fan itan ekkewe mei kukun moni tonong rer ekkewe chon angei Medicare Beneficiary (SMF): Ewe state a moni noumw Medicare ewe kinikin B premiums. En mei pwan tongeni nounou ika nomw won ewe plan ren pekin sagei an epwe mo kukun ika ka kut unumom safei.

22. Mei wor echo taropwe a tori ei a porous fan itan ngang mei wor nei QMB, met ei?

Ei state ren Oregon a moni noumw Medicare ren kinikin A me Kinikin B ren ewe premiums me pwan met en mei moni ren nomw moni fan itan Medicare me ekkewe aninis a fen kopunguno. Ika en mei tongeni nounou QMB, epwe pan mo kukun ekkewe safei mei nomw fan nurun ewe drug plan premiums mei pwan tongeni epwe mo kukun unumom kewe safei fansoun ka amasouwa unumom safei.

23. A tori ei echo taropwe fan itan mei wor nei OHP, nge a fen wor nei Medicare. pwata?

Mwoni tonong remw mei kukun ina pwata en mei tongeni nounou me ru ekkei insurance ren OHP me Medicare. OHP epwe moni ekkewe aninis mwurin an Medicare akomw moni. OHP mei tongeni moni ekkewe aninis, ren pekin maas, ngii, ika ese tongeni kamo me non ewe Medicare.

24. Io upwe tongeni kokori ika mei wor ai kapas eis fan itan ewe Medicare ika ewe Medicare Savings Program?

Ika mei wor omw kapas eis fan itan Medicare insurane, kokori Oregon's Senior Health Insurance Benefits Assistance( SHIPA) program ei nampa 800-722-4134 (ese kamo). Ika mei wor omw kapaseis ren Medicare Savings Program ika OHP insurance ren ion aramas mei nomw won Medicare, kokori ewe ofesin chinap ika ekkewe mei wor terir itan Aging and People with Disabilities (APD) ika Area Agency on Aging(AAA) ena ofes ren ia ke nomw ia. En mei pwan tongeni kuta ena ofes won won <https://go.usa.gov/xseNK>.

25. Ngang mi nomw wom Medicare nge mei wor ai niwinimang. Met upwe ne fori?

Ika en mei nomw won me ruu ewe OHP ika Medicare Savings Program me pwan Medicare insurance nge mei chok toruk taropwen omw niwinimwang, kopwe kokori OHP ekkewe chon aninis nampan 800-273-055 (ese kamo). Ururun esopwe wor omw niwinimang epwe toruk nukun chok ika ese kamono meren Medicare. Ika pwe mei wor omw kapas eis fan itan omw niwinimang nge ese wor noumw OHP ika Medicare Saving Program benefits, en mei tongeni kokoti SHIBA program nampan 800-722-4134 (ese kamo) ika Medicare nampan 800-633-4223 (ese kamo).

## Oregon Health Plan: OHP epwe tongeni amwenuk

Ka tongeni katon ena Oregon Health Plan's ena link ren a epwe tongeni emwenuk ika ati ngonuk ifa usun omw kopwe nounou OHP ren an epwe mwithir.

[English](#)

[Chuukese](#)

[Kosraean](#)

[Marshallese](#)

[Palauan](#)

[Pingelapese](#)

[Pohnpeian](#)

[Yapese](#)